

梅

莊

詩

鈔

梅莊詩鈔卷十三

甲辰至丙午

萍梗集

天津 華長卿 枚宗

題虞山觀海圖爲曹愷堂作

甲辰

我家北海濱未識東海面結想望蓬瀛可夢不可見今
得披此圖山海壯奇觀峩峩千仞岡松檜逼霄漢汪汪
萬頃波天地無崖岸巫咸今不作虞仲何時竄維摩廟
獨存巋然靈光殿曹君嗜山水因緣證墨翰願陸能寫
生六幅舒驚網波浪挾魚龍雲煙動几案墨皴拂水岩
紅染桃花澗置身翠微巔決昔入征雁黃雲鋪大洋朱
霞曜天半極目搏桑東蒸蒸如白練混茫洗太空五色

須臾變衰中曾寫照

余于庚子年繪衰海圖照

蜃氣樓臺幻何如親

見之銀海搖光眩拓我心胸開輪君腰腳健會當蠟雙
屐五嶽敖游徧

寄呈雲巢舅氏

春風氍毹尋常事且喜重來白下門羞見江東諸父老
劇憐胯下舊王孫文章四海誰知己衣食全家盡感恩
獨上鳳凰臺上望謫仙猶有未招魂

自題瞻園餞別圖

梅花先放向南枝畫裏諸君合詠詩我是瞻園舊詞客
春風又到送行時

題袁簡齋先生畫像

曾繪煙雲如意圖鶴來軒裏又重摹先生定欲掀髯笑
誰識今吾卽故吾

幾篇遺墨重琳琅宛若音容在小倉絲繡平原金鑄島
于今都是魯靈光

題孫淵如觀察小像用吳山尊張船山兩先生韻
盛名洪顧一時同六代江山幾寓公問字客來尋白下
訪碑人蚤宦齊東達官不改經生面遺照猶存國士風
今日荒園半零落松濤仍作大夫雄

江行舟中同王成言作

乙巳

石尤風惡阻扁舟燕子磯邊五日留殘雪乍銷泥滑滑
芒屨不敢上山游

清譚頗慰客情孤每飯閒消酒一壺燒筍烹魚蒸鴨臠
捧盤忙煞小奚奴

渡河登車作

黃水東趨海揚帆趁怒潮渡河風力健上馬世情豪青
草生春色緇塵點敝袍浮名何日換忍受道途勞

贈鉛山華又齋太史

日新

河岸相逢問姓名懽然一笑若平生瓊林飽啖紅綾餅
猶作公車逐隊行

華胄高攀媿不如雁行抗禮太麤疏好留太史如椽筆

重補君家續漢書

又齋爲晉光祿勳叔駿公裔

二月十五日鄒縣道中見村舍杏花芳豔可愛折
取一枝聊慰旅懷晚宿順橋客邸鐙前顧影明
月窺人得詩題壁以誌之

牆頭紅杏問誰家駐馬裴回豔影斜儂是長安舊游客
探來權作上林花

百花生日是今朝詞客尋芳到順橋鐙下看花人寂寞
邀來明月伴春宵

送蔡生弟之邯鄲

咀嚼離鄉味銷魂總黯然名心同瓠落別緒倍纏綿
明月共千里春風各一鞭黃梁誰入夢醒眼看青天

八月廿七日車中作

又別鄉園去輪蹄趁曉風天晴帆背白地鱗草心紅塵
埃如懸罄浮生類轉蓬大聲呼阮籍拊掌笑途窮

廿八日登舟作

走馬河干問客舟
粼粼柳色不勝秋
霜風淒緊吹征雁
又送詩人汗漫游

重陽過武城作和舅氏原韻

桃李爭春鬪色香
黃花依舊傲嚴霜
篷窗几硯分餘席

容我高歌唱渭陽

雉堞傾積一水環半村黃葉夕陽殷秋雲天際開圖畫
寫出倪迂萬疊山

頻年重九在途中飽看湖山烏相紅今過武城尋古蹟
絃歌野語半齊東

燕臺別去上吳艘柳汁空傳祀棗饒秋色助人詩筆健
撚髭猶作少年豪

東阿弔曹子建

就國東阿徙王陳空名寄地枉勞薪建安詩筆推才子
洛浦風懷託美人霸業若傳曹氏璽侯封不改漢家臣

可憐縱酒遭謠詠那有閒情賦感甄

濟甯謁高子祠

殿宇三楹久不開空庭落葉點蒼苔聖門弟子愚難學
徑竇餘生死可哀媿我竟無爲宰命于今誰是讀書才

漢儒廁坐傳經訓

高堂生配享

絕世聰明入室來

廿五日同宋禮園孝廉

發

游玉露庵觀菊

客中偏有賞花心俊侶敖游好共尋流水一灣城半角
柳陰蕭瑟寺門深

辛夷花外隱僧寮卅字闌干曲徑遙笑煞佛奴偏愛色
閒庭種遍美人蕉

不須說法漫和南。佛與黃花同一龕。香火因緣人淡泊。
虛齋捉麈縱清譚。

隔牆脩竹有精廬。羯鼓喃喃誦佛書。瞥見素冠輒迴避。
不知誰是馬相如。

謂王易雲
司馬長卿

瓜州守風

鯉魚風緊雁聲哀。六代興亡感霸才。殘照西沈明月上。
大江東去片帆來。青山隔岸勢爭渡。紅葉滿林秋亂堆。
妙絕徐熙新粉本。天公日日畫圖開。

江行

一夜東風送客舟。月明如水正當頭。推篷欹枕眠初熟。

滾滾江聲入夢流

天津樊烈婦挽詩 十解

黃鶴折翼古井波 吁嗟乎人壽幾何之死矢靡佗

一解

賢哉王氏女 嫁爲樊氏婦 璧合藍田是真嘉 偶惜伉儷

未久空房誰共守

二解

玉臺鏡破金鳳釵 斷君子云亡方

寸已亂

三解

下無子女上有翁姑可代夫 以盡孝胡爲身

死以殉夫

四解

烈婦曰夫尚有弟已舉茂才孝養父母斑

綵衣萊妾生何爲 妾將尋夫于泉臺

五解

傷哉我翁遠宦

荆楚傷哉我姑甫歸故土我姑哭兒淚如雨 妾慟兒夫

情更苦

六解

欲投繯兮無繩 欲刎頸兮無刃 非無繩與刃

恐殺身而致釁

七解

檢點匱具得金約指完節保軀轉悲

成喜縱鐵石心腸而吞金必死

八解

已矣乎幽魂一縷芳

名千載連理雖枯同心未改人孰不死難得如斯之瘳

慨九

解

殉夫如殉君深閨夙所聞彼貪生之男子識不若

釵裙吁嗟我夫卽我君

十解

贈吳雲佐同年

起元

賓鴻鍛羽渡江來舊侶重逢笑口開廿載功名成畫餅
六朝風景助詩才春官桃李年年放秋水芙蓉處處栽
翹首城南天尺五昂藏何日出蒿萊

羨君斑綵慰高堂況有南飛雁一行瘡鬼弄人親藥餌

君時瘡疾初愈

腐儒先我訓文章

選授定興廣文

壺盧依樣官堪笑首

藟登盤味亦香自歎羈身空抱影每聽風雨憶聯牀

讓人先著祖生鞭下駟駑駘上水船詞賦英靈悲屈宋
詩詞豪氣壯幽燕鱖生貧賤常爲客廉吏兒孫不值錢
賸有敝廬書滿架儘教子弟守青瑣

短髮飄蕭鬢欲皤中年事業竟如何毛錐脫穎衝囊出
鐵硯隨身受墨磨矮屋論文知己少他山攻玉感恩多
會當了卻尙平累湖海扁舟理釣蓑

題曹春生停琴仁月圖照

寫出幽靜趣獨坐松樹陰明月在何處好風吹羅襟聊

寓絲桐意別存山水心囊琴不復彈江海無知音

雪後偶成

風靜人稀窗紙明開門雪已沒階楹茫茫畫意從天寫
浩浩詩懷墮地生晚翠枇杷成玉樹煖紅榭拙沸銀鐺
向陽高屋銷融早檐溜如繩作雨聲

二月廿六日能仁寺觀梅

丙午

郭外尋春色來觀覆水梅矮僧迎客笑古萼向人開得
氣先羣卉蟠根識異才翩翩人似蝶臨去尙裴回
拋卻園林盛逃名選佛場樹經千載劫花吐六朝香
媚神仙骨槎枒鐵石腸看他桃杏色塵世幾滄桑

題張仙槎

寶

泛槎艤槎諸圖

當年五嶽恣敖游，形勢羅胸拓九州。
投筆竟能輕富貴，知名原不藉王侯。
交傾海內都青眼，身在圖中到白頭。
開卷豈徒傳畫法，自題詩句亦千秋。

清明同曹春生薄游

短橋低映水粼粼，芳草垂楊色未勻。
潑墨濃雲天欲雨，東風吹散踏青人。

年年寒食滯京華

甲乙兩年皆在都中

萍絮飄零到處家，忽聽哭

聲兼笑語，紙錢飛上碧桃花。

昇平橋北綠波連，枯樹泥牆聚晚煙。
指點數椽高矮屋，

此中帷幕有青蓮

無限愁懷客裏過。詩人從古別離多。高吟繞郭皆山句。
白下清明可奈何。

題王蓉嶠讀書譚劍圖照

挾策休譚紙上兵。鬚眉豪氣尙縱橫。披圖如見眞肝膽。
展卷欣逢古性情。湯共豎儒爭句讀。好隨俠客話平生。
青鐙照壁昂藏久。風雨蕭齋夜有聲。

三月三十日作

雜花生樹亂鶯飛。庭院深深草漸肥。幾度留春留不住。
細蜂拖蜜入簾幃。

春來春去黯銷魂
新柳吹棉颺白門
九十韶光彈指過
夕陽猶自戀黃昏

鮒魚鱸美嫌多刺
況值春寒未可叉
忽憶故鄉好風味
河豚海蟹淀青蝦

頻年春至別江干
今歲逢春興倍闌
預與東皇期舊約
杏花時節到長安

題牡丹幃額

富貴無驕態
此花真妙品
寫入羅幃間
良宵伴衾枕
畫工投時好
美人空抱影
含笑謝羣芳
春風夢已醒

對月感懷

欲向蒼天訴高高不可聞將心託明月傳語到青雲照
影自千古當頭餘二分遙看滄海上兵氣尙氤氳

答友人

不須彈鋏歎無魚濡墨含毫賦子虛羈客喜從花底潛
麗人多傍水邊居泛船載酒情何限聯騎游山興有餘
莫訪南朝舊宮殿離離荒草半邱墟

題畫

髯翁策杖來奚奴寒掩口尋得一枝春不負雪中走

無題

成名豎子著朝衫專把科場分外嚴乳臭小兒剛識字

牟尼一串署冰衙

捐輸例中有年七八歲得翰林典簿者

司農仰屋計開捐侍御隨聲議貨泉安得銅山徧天下

大家齊鑄鄧通錢

果否舟山入版圖羊城又見萬民呼開門揖盜踰垣走衙署宵焚蕙苾珠

海濱烽火有餘哀又向江邊築礮臺水勇喧譁爭犒賞閱兵都盼使君來

梅莊詩鈔卷十三

男鼎元校字

梅莊詩鈔卷十四 丙午

於越吟

天津 華長卿 枚宗

五月十二日登舟口號

久居鬱鬱真無味乘興浮槎作壯游五月渡江入吳越
湖山吟寫到新秋

登燕磯觀大江游永濟寺至上台洞

燕子磯頭望波濤日夜流吞江書醉石

相傳四字爲李太白書今重摹

鐵鎖繫危樓

俗謂練孤舟

撒手懸崖峭皈心古洞幽梵宮遭

劫火僧尙恨夷酋

游三台洞

仙境靈巖幾度尋
觀音門外拜觀音
攀梯獨訪三台洞
掬飲清泉洗俗心

燕磯阻風

阻風兩日悶如何
登岸閒行負手歌
瞰水亭臺飛鳥散
倚山樓閣夕陽多
低田潑雨秧新稻
斷港翻雲颺嫫荷
最是晚來清景好
滿船明月照煙波

龍潭出江

萬艘雲集水彎環
柔艣聲中客夢閒
揚子江心風浪大
扁舟一葉到金山

游金山寺次東坡先生原韻

江天一覽寺裏山古洞深幽尋法海振袂獨登妙高臺
六朝寂寞山仍在開山得金老頭陀孤塔倒印江心波
石壁題名留姓字古來惟有詩人多我今渡江爭擊楫
中流明滅浴殘日北顧煙嵐色尙青南徐礮火痕猶赤
寺僧譚及動魂魄銅佛低眉黯然黑中冷泉涸一隙明
玉帶橋邊過客驚天外羣峰人不識長空萬里變雲物
眼前對峙有焦山俯視善才石亦頑登臨一望情何已
亂帆飛下東流水

泊京口

勝地重經報賽天繁華依舊似從前新修雉堞增三尺

回憶狼烽靖四年山勢雄誇南北路江風吹集往來船
橋邊皓月明于晝又聽吳娃奏管絃

丹陽道中

打槩入城去河灣水不深潮痕銷巷口塔影躡橋心古
寺依墩埠重樓隔樹陰舟師作蠻語漸覺變吳音

常州作

半河畫舫人如玉兩岸層樓望若仙柳下竹棚啜茶坐
唐家灣口看龍船

蕩口喜晤家秋蘋舍人適園少府紫屏廣文朗亭

孝廉

沆瀣原同氣家鄉此日過竹林冠蓋盛詩草弟兄多

二柳

村莊集秋蘋適園兩兄詩最多又把酒銷殘暑論文釀

閒吟處詩草六卷爲子同兄遺藁

太和紫屏重編錫山惠泉山下路古墓尙峩峩

始祖孝子公墓

在龍山南

姑蘇雜感

闖閭城外卸帆時山水樓臺繡色絲兒女春來歌舞慣
園林花謝燕鶯知死當埋我要離家喜亦因人短簿祠
至竟吳亡緣底事不須顰頰怨西施

七里山塘到虎邱尋芳先上仰蘇樓鶴藏古澗聲難覓
劍試荒池迹尙留水閣蔬肴宜過夏畫船絲管不知愁

生公說法千人坐
頑石聽經亦點頭

武功廢弛祇能文
花月笙歌處處聞
芳草綠侵高士宅
殘陽紅上女兒墳
橋邊淺水迷香徑
塔外諸山鎖暮雲
拜訪前朝五人墓
直令羞殺舊將軍

吳宮茂苑不堪尋
賸有滄浪一水深
熊膽竟償千里恨
鴟夷遂動五湖心
才人曾住桃花塢
怪石重堆獅子林
若過金閶亭畔路
青琴彈斷少知音

吳江道中見踏水車者戲作

大婦袒酥胸中婦衣半臂
小婦尙含羞短袖飄雙翅
躑躅踏水車似作鞦韆戲

周家溪阻風

石尤吹送燕呢喃，午泊周溪汗透衫。
晝寢初醒篷底臥，看他船跑順風帆。

初入浙江界

不繞吳興路，舟行夏日長。
眠梳橋洞矮，繫纜樹陰涼。
灑湖濱水，蔥蔥陌上桑。
遠山青似黛，指日到錢塘。

登吳山謁伍相國廟

去國全忠孝，英名萬古標。
楚江悲贈劍，吳市歎吹簫。
遺恨吞強越，餘威咽怒潮。
浙東資保障，白馬順風驕。

游孤山路訪巢居閣處士橋故址和林和靖孤山

寫望詩元韻

湖山依舊景全非，草綠裙腰賸夕暉。
柳逕含煙新雨潤，沙隄臨水晚風微。
巖間昔日梅爭發，亭畔無人鶴自飛。
憶否夢中曾到此，斷橋殘雪夜深歸。

關帝廟觀畫竹詩字

玉印猶存照膽臺，侯封漢壽有餘哀。
壁間畫竹都成字，勁節虛心寫得來。

過陸宣公祠

祠傍孤山路，唐朝有老成。
艱難資內相，治亂繫蒼生。
臣骨千金值，君恩一代榮。
至今披奏議，妙論尚縱橫。

拜岳墳謁武穆王廟

古墓常埋不朽身，觥觥廟貌尙如神。
獄經媒孽成三字，血刺精忠敵萬人。
侍座銀瓶傳孝女，踰門頑鐵鑄姦臣。
墳頭一樣婆娑樹，北向無枝七百春。

六一泉飲茶

入寺來尋六一泉，柏堂竹閣兩茫然。
水香甘冽清如許，龍井新茶活火煎。

蘇小小墓

後湖水色柳陰嬌，人在西泠第幾橋。
黃土一坯埋豔骨，至今過客尙魂銷。

錢王祠謁吳越王像觀表忠觀碑

十國凶凶盡可哀，故宮回首沒蒿萊。
一家骨肉留王氣，亂世英雄感霸才。
整頓錦衣窺鏡去，安排強弩射潮來。
表忠觀裏藏奇魄，猶有慈孫拜月臺。

廟祝錢氏
卽王裔

湖上雜詩

藕香居外樹陰齊，聽水亭邊路欲迷。
賸得幾株舊楊柳，隨風搖曳少鶯啼。

三潭印月水心亭，堤界湖光裏外青。
麴院荷花三四里，尋香飛出紫蜻蜓。

望湖樓對水仙祠，舫課無人解詠詩。
花港游魚看不盡，

漁船不許放鸕鷀

茶坊嶺上竹陰涼，仙姥墩邊土尚香。
西望雷峰餘壞塔，積唐猶自倚斜陽。

游淨慈寺觀五百阿羅漢

迢遞南屏路，招尋物外蹤。
慈雲生古洞，慧日在中峯。
一塔挂殘照，千巖聞晚鐘。
修成羅漢果，變作帝王容。

登南山亭觀摩崖石刻周易家人卦

曾傳海岳舊琴臺，小有天園傍水開。
石上壁窠書大字，溫公真是挾天才。

范忠貞祠

白沙隄上樹蟠根錦帶長橋沒水痕一半句留成別業
四賢祠畔弔忠魂

游風篁嶺

一上風篁嶺參天萬竹齊浮雲隨客去幽鳥向人啼有意尋龍井無心過虎溪高僧遺迹在石洞姓名題

蘇隄

行盡楊隄又趙隄嘉名難與大蘇齊六橋風景依然在
綠柳成行鳥亂啼

臬署卽南宋大理寺故址有感岳鄂王事

五國魂羈二帝靈官家甘作小朝廷逃從海島真無地

冤起風波更有亭南渡君臣誰報怨東窗夫婦枉勞形
傷心扣馬書生語乳臭烏珠竟有聽

梅莊在西馬塍韓蘄王舊園也戲作二絕

溜水橋西問馬塍蘄王園址到今稱我來鬢髯重游此
古樹渾如耐久朋

兩字誰爭安石墩地因人重莫須論他年結箇茹庵住
雪後花開好閉門

留別杭州

山水樓臺擬十洲詩人到此便句留世間誰是林和靖
天下應無李鄴侯幾見潮頭乘白馬漫從波底覓黃牛

我今拋卻西湖去何日重來訪舊游

鑑湖賀季真故居

欲訪高人宅茫茫綠草平橋從湖外跨人在鏡中行應
接真無暇招尋倍有情鳥篷千百箇一樣擢歌聲

晉王右軍祠

東晉風流冠荒祠鎖薜蘿渚蘭鋪作席池墨皺生波勳
業同安石文章溯永和至今留廟貌破壁尙書鸞

蘭亭

山陰道上客流連游到蘭亭倍惘然曲水尙存修禊處
茂林依舊放鸞天昔時觴詠詩何在佳地風華字可傳

惟有峰巒轉蒼翠閱人草草二千年

謁大禹陵

我來會稽謁禹陵古松矗突山峻嶒旁有享殿高百仞
緣階拾級舉衣登瞻拜遺像執圭組稷契皋益祀兩廡
羽淵含痛悲黃熊九載成績眞幹蠱當年洚水勢滔滔
塗泥椽橈胼胝勞庚辰豎亥齊効命作貢制賦歌簫韶
江淮河漢思明德巡狩南方兼述職會計茅山封有功
執玉帛者來萬國那知一旦墜軒弓胡髯攀附騎蒼龍
至今窆石亭邊路執紼難尋隧道通古墓豐碑標綽楔
後人競說探禹穴中有人間未見書並非薶瘞神王骨

金泥玉檢半銷亡石簣猶存竹頁香宛委山頭無隻字
空教太史歎茫茫陽明洞外飛來石傳是曾葬衣冠宅
香鑪峰作護砂形若邪谿水藏龍脉毋持布鼓過雷門
恐驚萬古生人魂少康苗裔封於越臥薪句踐眞王孫
三代以上事奇古帝王後葉編氓伍守陵數家奴姓人
年年麥飯澆墳土

登種山最高處上有望海亭

絕頂觀形勢干巖擁畫屏好奇探禹穴選勝訪蘭亭海
氣連天白湖光隔隴青山頭風颯颯知有越王靈

六月十五日登舟遇雨

鵠來吳越倦敖游，暑旱兼旬熱未休。今別武林逢好雨，湖山清氣壓扁舟。

石門道中

高阜城東望難尋，走馬岡長河新漲。綠短堞嫩花黃，而野多膏壤。彈丸舊戰場，女陽亭畔路。猶說語兒鄉。

夜泊樵李

皎月照溪水，雨洗明于鏡。泊舟樵李亭，良宵雲影淨。北岸有古寺，松際出幽磬。云是三過堂，坡仙留佳詠。彈指去來今，長老方入定。我今返櫂歸，頗有吟詩興。惜無戒律僧，同參大千乘。仰首聞雁聲，側耳亂蛩應。萬籟何曾

寂悠然滿清聽

曉過鴛湖

煙雨樓頭鎖翠微，嘉禾城郭靜朝暉。
南湖水氣濃于染，可有鴛鴦作對飛。

蕩舟湖中望洞庭山

扁舟一擢鳥知還，學得吳音語帶蠻。
鴛鴦脰湖邊秋水濶，夕陽紅到洞庭山。

吳門寓樓病中作

暑病入秋發窮途，尤可憐呻吟銷壯氣。
躑躅惜華年月色，當窗皎皎歌聲到枕圓。
涼宵如此好抱影，自孤眠。

贈家秋蘋兄卽題印譜

又倚鷺湖權招尋到義莊一家新敘譜五代喜同堂

秋蘋

上侍鳳儀公下見曾孫本支瓜縣五世矣

自得琴書樂常留翰墨香溯源栖

碧派攷宗譜與兄共

盟手讀黃楊

栖碧公集名

嗜好金石雕蟲寫性靈錫山傳絕學鐵筆篆奇形聞
泐蘭亭序重鐫陋室銘印成千萬本洛紙貴都京

梁谿舟中見龍挂

蒼龍吸水入雲去龍尾挂雲雲不開微覺腥風颯颯至
忽驚破空飛雨來

孟河道中

柳沿河直蟬聲噪夕陽膠泥沙岸滑窄木板橋長禾
黍秋仍短瓜壺午不涼保蟲分隊隊亂踏水車忙

夜泊江口

扁舟泊江口獨客坐深宵月落見漁火風來生海潮迅
雷驚岸樹疾電照溪橋雨勢壓篷背人聲楚語驚

舟中望虞山海口

虞山斜對海門開礮火煙銷又築臺兩岸蟬聲依樹陡
一江帆影仗風來傷心邊備眞無策回首夷氛尙可哀
惱恨石尤偏阻客乘槎空負不羈才

阻風

郵程屢讓祖生鞭。水驛偏逢上瀨船。鄰舫紛紛渡江去。
孤篷深繫綠楊煙。

常潤道中

大瀆山頭望練湖。茫茫秋水澹煙鋪。半生游興詩懷健。
一枕濤聲客夢孤。岸陡如岡牛鬣草。波平似鏡雁銜蘆。
布帆無恙歸來好。且向新豐買臘豬。

如皋贈徐聲仲

客久雄心減。扁舟處處家。游蹤來海角。秋色滿天涯。病
骨鶴形瘦。鄉思雁陣斜。窮途逢舊雨。努力晚餐加。

同聲仲訪水繪園故址弔冒辟疆

射雉城頭秋草黃，依依疏柳搖殘陽。登樓俯視默無語，
有客臨風空斷腸。當年勝境繁簫管，水繪園中名士滿。
瓊瑜歌舞千黃金，詞賦青錢誇萬選。小浯溪畔湘中閣，
閣上主人真好客。迦陵公子最風流，只譚花月神仙樂。
黃岡杜濬酒初醒，修禊曾招王阮亭。可憐八十潛夫老，
白髮鬢鬢眼倍青。星移物換成荒圃，樓閣傾頽堆糞土。
繁華過眼頓成空，故家零落都如許。昔日楊枝早擅名，
雲郎才調更多情。櫻桃驚起秋衾夢，定有香魂踏月行。
繞籬誰種邵平瓜，畦塍野菜啼寒鴉。三間破屋牽蘿影，
一樹紫薇尙有花。人事代謝滄桑改，盛名嘖嘖依然在。

朱門再過變成墟清風明月何人買于今亭館半莓苔
杜宇聲聲亦可哀空餘洗鉢池中水留照詩人弔古來

梅莊詩鈔卷十四

男復光校字

梅莊詩鈔卷十五

丙午至己酉

賃春集

天津

華長卿

枚宗

偶成

丙午

清晨掃地焚香坐
午夜關門洗足眠
拋卻俗塵多少事
黑甜鄉裏賦游仙

重九同友人登高作

良朋攜手上梅岡
木末風高瑟瑟涼
卅載蹉跎如逝水
一年容易又重陽
羣山繞郭增秋氣
孤塔撐空接大荒
千葉亂帆江一線
雲天無際歎茫茫

贈徐樹人茂才

善來

亦作依人計，憐君遇不同。他鄉逢舊雨，入座有春風。瓠落悲身賤，萍飄歎道窮。幾聲長短調，高唱大江東。世襲常爲客，西湖尙有家。茫茫窺宦海，滾滾變流沙。雲路遲征雁，江天起暮鴉。且停袁浦櫂，風雪正交加。

梅花

驛使江南去，復來隴頭消息尙徘徊。天心醞釀和煙種，月影參橫傍水栽。調鼎卽能成大用，作鹽終覺是麤材。自知錯節盤根久，獨抱幽芳不肯開。

看盡繁華鬢欲霜，可憐世態變炎涼。山林寂寞忽春色，天地荒寒生妙香。拔俗自標孤客韻，趨時羞學麗人妝。

林家眷屬神仙福那有閒情聘海棠

月明似水證前身。萬朵千枝淨絕塵。骨傲已含酸氣味。
貌臞猶見冷精神。是真潔白誰知己。如此孤高有替人。
料得故鄉花事好。漫教桃李占先春。

灞橋風雪逐吟鞭。此去尋芳勝往年。美玉雕成連理樹。
古香流出在山泉。鐵心不識金銀氣。粉本常留翰墨緣。
春老易增搖落感。可能開到杏花天。

讀味塵軒詩集有懷李雲生大令

文瀚

海內論交道何人同性情。南游得知已

夏間由蘇赴杭之紹興得交翟

端卿西望有長庚。刺史多循吏。清才副盛名。皖江曾倚

擢低首拜宣城

我友皆君友

謂高寄泉馬鶴船
邊廢石丁柘塘

君詩勝我詩

拙稿二千
餘首僅刻

麴言集

一卷

未曾觀妙畫先得讀傳奇

繡馬記
紫荆斂

書達二千里

神交十二時葭蒼人不見何以慰相思

早春感懷

丁未

人日題詩在白門中年絲竹黯銷魂驚心世事如碁局
過眼光陰付酒罇國計祇知謀利祿家傳無不爲兒孫
被風吹上長安道指點青袍舊淚痕

不談理學不參禪先業曾無負郭田納粟妄籌千石米
理財思鑄六銖錢封侯安用班超筆馳馬爭誇祖逖鞭

宦海茫茫波萬疊逆風上水漫開船

籌海齊謀善後功臺邊演礮鐵心紅將軍未老羞乘馬
武士臨場怯挽弓幸有奇兵譚紙上竟無成竹貯胸中
城頭五夜笳聲起一任萑苻跳盪雄

紛紛都現宰官身朝亡新添市井臣從古男兒多好色
於今君子盡憂貧斗筲較算稱良吏租稅浮徵困細民
地若產金天雨粟九州長享四時春

中秋泊三望望月

一鏡照天地秋光如此清百年今夜好萬里故鄉明鏡
火澹無色風濤搖有情圓輝休太滿彈指悟虛盈

十六日

蝕

書懷

九州四海一閒人腹有詩書不療貧簪笏盡爲身外物
鶯花已過夢中春論文射策誰知己窺鏡抽毫自寫真
四十三年無箇事南船北馬厭風塵

瑤草琪花到處栽海濱蜃氣象樓臺驚人事業惟通市
籌國勛名在理財聚米量沙資餓鬼煮鹽鑄鐵困麤才
何如點石成金手萬仞銅山力士開

命蹇何須怨數奇鍼心砭骨賴良醫人情冷煖夏羹釜
世態紛爭打劫棋飽我侏儒餐飯後看他傀儡下場時

好官面目多塗粉笑讀南沙紀事詩

飛將譚兵紀律寬墩臺礮火任人鑽赤心循吏憂貧甚
白首書生釋褐難河北饑民方借箸終南捷徑又彈冠
九重宵旰需良將誰識軍中有范韓

九月初五日同沈虛谷昆仲游澣筆泉用壁上木

蘭山人元韻

清泉瀲灩出方池與客登臨拜古祠一徑松陰秋雨後
半城柳色夕陽時從來我輩多耽酒到此何人不詠詩
獨抱幽懷誰見賞問天唯有謫仙知

迦河

世味飽嘗慣飛鴻受網羅文章知遇少骨肉別離多心迹甘雌伏身官耐蠹磨舟行奇夢醒雷雨渡迦河

泊揚州

四年九過廣陵城寂寂無人問姓名潮信忽生千尺漲月華何止二分明達官杳至避深舫好友欣逢語舊情倚棹茭萸灣上客江天古寺打鐘聲

得李雲生見和詩倒疊原韻奉和

一紙忽飛到知交兩地思文章偏妒我笑貌恥逢時紅友曾拚醉青天許問奇何年親把臂重讀畫中詩

侏儒窮快活

用鶴船詩意

南面擁書城身賤仍憂道才疏恐

好名雪山剛洗甲

聞西師奏凱

洛水正呼庚

時河南大旱攬發帑賑濟

轡登高望難移海上情

竹谿從兄之官桂陽道經江甯語別得詩贈行

本爲貧而仕誰知仕更貧漫拋司馬淚

兄以截取知縣借選直隸州同

如現宰官身塵世容閒客天涯作旅臣他鄉逢骨肉投老倍相親

翦燭譚深夜圍爐寓靜衙江湖催短權風雪向長沙宦

味涼于水人情薄似紗津門居不得有夢尙思家

行路難如此途窮喚奈何寒霜彭蠡雁落葉洞庭波重

累扁舟載殘年萬事和望衡帆九轉晚翠嶽雲多

後會知何日臨歧感不禁蹉跎傷病眼遲暮動愁心宅
相成真似兄之舅氏陳慎齋先生曾官福建永春州同名場慮最深相期重
對酒聊續楚狂吟

贈祝蓮舫孝廉

曾雲

記曾沛上雪鴻留扶醉同登太白樓千古歡場容易散
十年筆債總難酬劉蕢下第休彈淚王粲依人又遠游
別後相思寄明月梅花香裏夢揚州蓮舫海甯人僑寓揚州

緇塵席帽出京華銷受南風撲面沙書劍飄零常作客
文章匪耗暫歸家重逢白下傳三影小聚尊前詠八叉
此去還期各努力莫忘鵲噪共燈花用湯敦甫相國語

題博山園雅集圖爲湯雨生都督作

勝境名流聚全憑妙筆傳江山增感慨樓閣入雲煙餘
事亦千古披圖今十年將軍觴詠處回首尙依然

我至羣賢散追尋舊迹留六朝供粉本二老自風流

同集

諸公半歸道山今惟都督與包慎伯先生矍鑠如昔松影庵中矗霞光盃外浮未
曾陪末座展卷已神游

二月紀事 戊申

跳梁小醜又橫行一艦強于百萬兵春湧舵樓隨海氣
東風吹到石頭城

問誰坐鎮大江東抗禮分廷拜下風手攬盤餐學夷禮

書生甘作可憐蟲

報恩寺裏鬧場開都向南門看鬼來
瓦礫亂拋驚鼠竄
和我全賴救時才

關山關外戍兵閒京口驚心淚暗潸
送出水輪歸滬瀆
平安如奏凱歌還

贈沈心梅表姪

恩闕

廉吏兒孫大雅才七年重到鳳凰臺
羨君意氣清如許
曾看西湖山水來

九十春光彈指過名園好景問誰家
天公鎮日瀟瀟雨
不許人看富貴花

鮭魚未上鷓鴣啼別緒恩恩物不齊漫道江南春色好
海東蜃氣吐虹霓

石城楊柳拂輕煙挂席風吹下水船隨侍篷窗親筆研
摘詞好賦帝京篇

次韻贈孔繡山中翰

憲彝

東風回首阻瀛洲公讌于今已十秋差喜賃春來白下
與君把琰語清流擎雲詩草騰千口指日筆花開竝頭
君時就婚于桐城方氏記取簾前丁字水六朝名迹快同游

題繡山詩集卽用集中甲辰見懷詩原韻

性與韓蘇近學詩室能入古誼篤交游懷人多佳什快

讀中祕書一官箸一集

孔繡山催妝詩

百蝶圖成寓巧思

君元配夢素夫人有百蝶圖遺卷

八分書擬邵陽碑

繼室葆瑛夫人有小蓮華室學隸圖并摹曹全碑石刻

羨君今復借嘉耦戲譜冬

郎豔體詞

千里紅絲一綫長杏花村裏酒旗香

東坡題朱陳村嫁娶圖詩有勸耕曾

入杏花村句

重翻嫁娶新圖本不繪朱陳繪孔方

安石榴開醋醋紅鰕鬚簾幕蕩花風小姑祠畔

在淮清橋與君

寓奇望街相近

青溪水雙照人如鏡面銅

習氣中年漸埽除恩恩婚宦樂何如好將西掖詞臣筆

先作東萊博議書

題孔繡山青天騎白龍圖用太白飛龍引原韻卽效其體

仙人謫落于塵世搏風砂披砂鍊成丹騎龍仍上軒皇
家下視寰海空咨嗟江南玉樹長安花隨風飄蕩騰煙
霞五雲深處迴仙車馭短轅馳騁九層霄此樂無人言
謫仙意態何蕭閒神龍天矯不可測聳身直入風雲間
安得妙藥駐童顏敖游閩闔無時還道逢善畫之荆關
謂司馬繡谷倚荆關繪奇語銀漢槎邊見織女跨鸞皇贈我
長生不老肘後之仙方任爾雙丸跳盪須臾光蓬瀛杯

水幾時渡龍性變化多星霜

和王研雲廣文寶仁六十述懷詩原韻

百卷書成手自編

先生著有舊德堂正續集奉常公年譜蔭槐瑣證古官制考春秋戰國官

制考周官參證論語異義韓詩所見錄說文引詩考
琴人詩集斐水文徵舊香居文集詩集共百餘卷論

交五載竟忘年

長卿于癸卯七月得識先浣薇曾展瑯生于蓉橋齋中今五年矣

嬾籍擊節重披錦繡篇廢讀蓼莪同悵悵

長卿九歲失恃廿七歲倖

登鄉薦逾年又遭先君之變

貽謀瓜瓞頤縣縣其東家世徵文獻遺

澤清芬海內傳

烏衣門巷已荒寒白髮儒生耐冷官德業于今名世少
清才從古遇時難浮家未肯成羈旅射策徒勞論治安

先生四赴春官不第
長卿已九上公車矣
我亦注銓檇散吏儘留詩卷任人

看拙稿已刊
卷四十賢人集一卷

廉吏兒孫守一經
先大父筮仕皖江年甫四十卒于官
傳家賸有舊瓊青

荒田負郭如耕石
舊有薄田數十畝在北倉別墅臨河

擬聚星
德星別墅即查氏水西廟鑄研愛鐫秦篆刻攤牋莊遺址今捨爲花神廟

摹寫漢碑銘平生金石耽奇癖好付郵籤寄短亭

不慕浮華不好名井田封建竟難行著書恥作雷同說

讀史爭誇月旦評經濟因時期有用文章誤我歎無成

賡詩願祝南山壽五嶽敖游訪向平

秋日感事

風挾江濤入郭流居然陸地可行舟滔天浩劫逢千古
歷境奇殃遍六州蒿目頓增騷客感婆心空抱杞人憂
問渠河伯司何事竟許蛟鼉汗漫游

吳艘忽向海東來驚起龍宮瀆洞災圍圍剛蘇魚轍涸
嗷嗷又聽雁聲哀人游羅刹都成鬼波擁桐棺半露骸
尙有生靈需賑卹漫誇近水有樓臺

莽蒼秋色滿乾坤賸有江山六代存千頃桑田成澤國
一舟萍梗感天恩泣珠爭下鮫人淚翦紙難招杜宇魂
擬繪流民圖萬本於今殊少鄭監門

雲端皓月湧晶盤照徧災區不忍看沈竈產鼃勞夢想

望天雨粟救荒寒封疆幾處謀康濟朝空何人策治安
滾滾江河日趨下倩誰隻手挽狂瀾

廢園

昔年游醜處今日客來遲亂石埋荒草枯松臥廢池庭
空堆鴿糞窗破冒蛛絲園主何時去危樓一木支

秋暮同張斂庵同年城西訪菊

鞭絲指向石頭城馬上應憐髀肉生十丈輭紅塵不到
羅廊巷裏斂門聲

問誰肯到野人家殘照銜山樹影斜菊舍槿籬池水靜
同心來訪耐霜花

叢霄境外露荒祠百步坡前竹萬枝忽見黃華迎客笑
有人欣賞未開時

紛紛桃李鬪春光容易秋風九月涼十八年來知己少
好留晚節殿羣芳

十一月十四日作

客散更闌酒乍醒蕭齋抱影一鐙青東風忽送瀟瀟雨
滴入愁心不忍聽

己酉暮春讀邨園聽唱詩柬王研雲先生用鏡溪

山人原韻

婁江風雅士曾陪杏花村人隔三山路春回萬竹園雲

煙開畫幘烽火憶兵屯雞跖窺心迹鴻泥印爪痕清風
吹紙到古誼藉詩存署冷腸偏熱官卑道自尊松筠貞
晚節苜蓿佐芳樽學擅無雙品文傳眾妙門舊香槐庇
蔭先生著有舊香居文集蔭槐瑣證新著草刪繁成書百卷待刊遺澤留梅鶴
亭有鶴梅一株先德文肅公園高譚證苙豚結交親孺子謂徐鏡谿司馬干祿
恥顛孫何日乘槎去尋君問水源

感懷和戊申十二月十九日鶴船夢中譚心飲泣
旁有女子揶揄詩原韻

外家宅相恐難成話到功名淚有聲不信世間無伯樂
豈知夢裏遇瓊英頭顱容易風霜老肝膽銷磨歲月更

同在金陵爲寓客惟君頗重故交情

豈有佳音入夢徵頻年刀尺翦吳綾鶯花過眼春光變
風雨關心客況增笑我已非初嫁女依人且作打包僧
天邊鴻雁何時到屈指誰爲耐久朋

徐母刲臂行

四言四解湖南
徐大令壽昌母

賢哉徐母克孝克順刲臂療姑血殷膚寸姑疾弗瘳卒
以身殉

一解

賢哉徐母隨姑九泉侍奉左右含笑欣然異

香滿室人疑登仙

二解

賢哉徐母孝著千載濤湧姚江雨

霖東海媿美瑄芬徽音宛在

三解

賢哉徐母克昌厥後丸

熊勗學封鮒勵守萱草長春流芳不朽

四解

送伍荔城茂才

承宣之淮安

萬選才華久著聞，昂然獨鶴立雞羣。
量材玉尺誇皮相，鏖戰詞場失冠軍。
綠綺賞音誰識我，青袍彈淚更憐君。
重尋胯下橋邊路，起看江天五色雲。

三月二十八日同友人游清涼山登掃葉樓小飲
過隱仙庵訪陶谷不得入遂游隨園永慶寺看
牡丹歸舟作

翠微亭子壓清涼，公讌新開選佛場。
座上忽來不速客，何妨洗盞更飛觴。

石城虎踞隔紅塵，到此真成物外身。
樓上觀書如掃葉。

亦應健筆掃千軍

古梅一樹勢槎枒老榦曾開六代花
庵裏琴聲成絕調

舊有王道士善撫琴神仙隱逸半煙霞

谷口松風拂草萊山中雲氣閉樓臺
先生謂陶貞白亦厭游

人俗不是花時不肯來

小倉山色竹當門泉石襟懷海岳尊
留得名園供眺賞

流風餘韻至今存

看花須及少年時彈指春光綠滿枝
漫道此花眞富貴

可曾移種鳳凰池

啣啞柔櫓趁波搖又過青谿舊板橋
一抹斜陽挂垂柳

倚闌人立儘魂銷

登山涉水暫句留
乘醉歸來已倦游
得句奚奴囊底貯
蟬蛄何必計春秋

送春有感

衙齋底事苦淹留
春去慙慙付水流
獨客對燈惟抱影
良朋把盞互澆愁
怯生髀肉思鞍馬
望斷雲天問女牛
花月情懷消受盡
那堪回憶燕鶯儔

風雨兼旬客窗書懷再疊前韻東荔城

平生益友盡多聞
大雅超然迥不羣
漫道山公能啟事
誰憐記室老參軍
江湖羈迹常爲客
車笠論交最重君

九十韶光風雨慣澹災怯看嶺頭雲

金陵水災紀事詩用舅氏韻

元武湖隄媮掘開

隄外甘氏田最多私令佃戶掘隄湖水俱洩于城裏制軍已將佃戶三人

收江流挾雨入城來蛙拖萍葉衝衢躍鷺啄菱花上屋

栽幾處蛟龍甘作虐

聞江西湖南安徽皆起蛟傳聞河漢盡爲災

開車邏壩鹽河七州縣田廬又被淹沒湖北漢口水長丈餘樓房全圯又聞海州黃河決口

飢氓待

賑炊無米

初議放賑因米價昂貴改放錢文每人四十又減二十

當路紛紛慣理

財

水沒高檐靜不流人隨雞犬聚危樓盆傾澤國如奔馬

街市中用大木盆往來裝載便捷勢如水戰

板積河橋擬造舟

新橋上用划船十餘隻名

日浮橋兩旁搭板行人過者索二文日卅口僵屍埋瓦
可得十餘千兩月以來已溢于捐費矣
脊大年藥局某姓家居水西門外卅口全淹斃
最慘其餘數口之家被淹死者不可勝數
萬家餓
殍住城頭棘闌巨浸文場歇傳命哀鴻速置郵
貢院水
鄉試奏請改于九月恐尙未能舉行也
文廟大成殿
東壁傾圮兩廡水深數尺先賢公肩子神位漂出流入
署道

七夕漫與

祇隔紅牆一水遙淡雲新月可憐宵
雙星不灑人間淚
誰見銀河度鵲橋

彈指秋光又到今曝衣樓畔夕陽沈
卻思三十年前事
水盃親拋乞巧鍼

得舅氏東署中諸君詩依韻奉和

江扼海門潮滔天勢更驕

水患較上年高八尺

龍蛇吞壩堰

江甯新築

壩壩不能禦水督工楊刺史

時行爲百姓毆傷左臂憤死

神鬼泛河橋

廟中佛像與民間死屍一

同漂兵氣光銷滅星芒影動搖秋風吹止水大患幸初消

開編譚食貨誰肯志河渠

史記入書河渠先于食貨自漢書而後晉魏隋唐書邈史

俱專志食貨至宋史始兼志河渠

江漢蛟龍窟樓臺燕雀居水明千里

月竹報數行書百萬拯民溺惟

皇知做余

今年江蘇安徽浙江湖北俱大水頃聞有旨發內帑百萬分解各省賑卹災黎

聖恩優渥立召天和

和雲巢舅氏詩元韻

連年水患起風波近代何人善治河交友喜聞名論廣

在容園齋中僕交日照許印林商邱楊石卿譚經濟金石累日不倦結鄰快讀異書多容園

藏書不下三萬卷多漢魏叢書及歷朝講經學著作舊搨碑帖尤富鞠窮誰解通醫術水勢

初消患痢瘡者甚夥殢露頻聽唱輓歌聚寶門出樞顛倒陰陽須

變理虞廷颺拜古義和聞祚大司徒協揆

前詩意有未盡倒疊原韻敬和

聞道封疆意不和股肱情墮廢賡歌申韓挾律秦廷少

桑孔持籌漢室多苦雨田間空黍稷頽風日下挽江河

窮愁著述虞卿老筆埽吟牋寄衍波

扁豆次王研雲廣文韻

豆亦尋常物，綠何色倍明。不圓分異種，以扁錫嘉名。籬
角延青蔓，牆頭冒紫英。華繁開粲爛，殼嫵透晶瑩。且作
依檐計，誰云得地生。饌曾珍野圃，品不入雕甍。鴛棧庸
須戀，雞埒恥共爭。豈香舒翠莢，登好綴金莖。節月光尤
活，經霜味更清。根蟠崎士節，皮相腐儒評。履石卑無論，
然其韻早成。相思拋雪擊，閒語坐秋棚。歷架纍纍熟，銜
珠粒粒精。承筐干瓣輒，負擔一肩輕。蜜糝煎湯藥，鹽調
下豉羹。蛾眉酥酪煮，雌伏屢屨烹。儻疑蒸食水角子俗名扁
食漿，揉偶配錫整。瓢甯待剖半片，合來并姓擬。醫稱鵲

名同額署楹廡詩工賦物交契訂班荆

過盧生祠和作

不信神仙自有真邯鄲道上走風塵黃粱已熟無佳夢
廝養紛紛誤美人

三忠祠詩和舅氏元韻

昔過剖心處烈魄照江水卓哉文信國聖廟新崇祀李
公撤復補先後志合揆修祠表三忠足振流俗靡高士
薦蘋蘩奕代稱仁里

題王研雲廣文坐看雲起圖

飄然出岫本無心把臂相逢許入林多少蒼生望霖雨

梅莊詩鈔

卷十五

共一東鶴室

有人抱膝自高吟

雲容舒卷共襟期
日暮江東有所思
飛上青天多變態
可能仍似在山時

儘人消受是林泉
閱世旁觀已有年
不遣濃陰蔽白日
赤霞烘出晚晴天

輞川圖畫譜成詩
繪出神仙海鶴姿
洗眼靜觀真自在
心閒偏與意俱遲

梅莊詩鈔卷十五

孫鐸孫
祝孫校字

梅莊詩鈔卷十六

庚戌辛亥

于役草

天津

華長卿

枚宗

于役誌感

不署頭銜亦算官宦途乍入已知難

九重綸綍重馳檄千里關河穩跨鞍暑雨喜觀新樂歲
緇塵誰識舊儒冠郵程傳食真無味茅店昏鐙冷藹盤

北河燕太子丹送荆卿處

燕丹遺事恨難磨壯士停驂渡北河易水滔滔流不盡
祇今難得有荆軻

車中口號

班車號馬走鄰鄰手版沿途稱部民銀燭兩條茶一撮
權輿四簋半壺春

兩馬隨車忽後先車中仍擁舊青瓊柳圈席蓋薰風裏
正好攤書伏枕眠

覓店停車住上房攢眉傭保色淒涼蟹蟲蚤眠難穩
靜夜惟聞馬糞香

泥淖難行又跨鞍征衣不耐五更寒田間野老扶鋤立
說是朝中一命官

南四工河道行館熊虛谷觀察留醢於望河樓愛
才若渴情見乎詞詩以誌感

行館延行客開樽興未闌逢人談宋玉

謂禮園

許我似方

干德政留貽久

觀察留官天津兼攝都轉

奇才遇合難憂民憂

國意遺憾誤卑官

時東安決口

觀山上出雲有感

天上多白雲原自山中出頃刻徧九霄飄揚而迅速蒼
生望霖雨沾渥殊不一忽聚又忽散未解何妙術清空
滓太虛萬變煙霞質如羅復如錦奇峰殊疏密胡爲顏
色變晷然蔽白日安得長風來吹散神魂失

密雲遇雨

周易密雲占不雨我今雨過密雲關也先塔下屯兵處

一片書聲出市闌

密雲道中

輦路生禾黍

行宮鎖暮煙，泉聲吞碎石。山勢刺遙天，廟塑南無佛。人歌大有年，岡頭頻勒馬。雄鎮控幽燕。

石匣阻雨

斗大孤城傍，岩谷道旁茅店。行人宿暑雨，連宵不忍聽。爲予洗盡愁，干斛此地何以石匣名。當年云有奇兵伏，城西橋邊匣尚存。土人掘出大如輓，太平已久人忘戰。老驥甘心餐苜蓿，暴客橫行官不問。胥役包庇已果腹。

安得良吏清獄訟有司不及牛羊牧僕僕征途那得安
空使英雄歎髀肉前途阻雨不能行爲尋古迹來城麓
石匣中有三卷書不知留待何人讀

南天門

頌

詔南來仗

至尊書生騎馬上天門青山萬疊城千仞俯視河流徹
底渾

古北口 舊名虎北口

山接長城城繞山河聲滾滾渡雄關平沙萬里炊煙少

梅莊詩鈔

卷十六

三一 東觀室

古嶂千層夕照殷，人老始知戎馬壯。天低彌覺寒雲閒，
夜觀牛斗光芒大。直射銀潢水一灣。

楊七郎墓

河濟山脊矗高岡，父老傳聞葬七郎。曾有耕夫鋤箭鏃，
鏃尖鏽帶血痕香。

長城北門坡謁楊令公廟

當年何必築長城，飛將當關抵萬兵。一水奔騰無定性，
亂山合沓不知名。遙瞻海外多雲氣，忽聽天邊有雁聲。
下馬令公祠裏拜，男兒到此意縱橫。

立秋旅邸聽雨

旅館聽秋雨吟詩自解嘲。亂蛩鳴破壁，疲馬戀空槽。熱
淚銷殘燭，雄心問寶刀。半生常作客，消受道途勞。

密雲阻雨三日仍用前詩首二句補成絕句

周易密雲占不雨。我今雨渡密雲關，乘輿溱洧何人濟。
東里欣傳惠政頒。

周易密雲占不雨。我今雨入密雲關，山川跋涉多辛苦。
償得郵亭數日間。

周易密雲占不雨。我今雨宿密雲關，天公現出擎雲手。
不許詩人飽看山。

周易密雲占不雨。我今雨滯密雲關，客中破涕翻成笑。

贏得扁舟載月還

懷柔學署陸蓮圃表兄醺飲話舊

舊雨來新邑薰風吹故人欲酬將母志不現宰官身

閣靈光耀鬢宮廟貌新

時重修聖人廟新築奎星閣於城上

冷齋清夜

話辛苦莫辭貧

過湯山行宮

溫泉髣髴九成宮

蹕路崎嶇積水通三十年前

遊幸地綠槐夾道棗花紅

過劉蕡故里

文章抗手任橫行廿載徒勞賦帝京從古才人多下第
翻教豎子盡成名青山隱恨埋雲氣老樹含悲作雨聲
司戶參軍渺何處征袍彈淚過昌平

謁明長陵

燕啄皇孫渡江許成王安在歸成祖東南王氣黯然銷
換得長陵一坏土昌平山脈有真龍自選堪輿馬鬣封
繡陌浪翻千頃麥錦峰濤瀉萬年松大才整頓江山好
遷都猶自勤征討榆木川前白日沈龍髯攀附升天早
豫營窳窳築佳城高踞山巔殿宇宏龍穴深深驚不測
至今如有萬人聲靖難功成荷天眷內廷家法貽謀善

可憐高煦與宸濠潢池盜弄稱傳前本支奕世十六傳
二百七十有七年殷墟夏屋滄桑改蔥蔥望斷思陵煙
我今于役燕平道暑雨薰風吹熱腦竭來瞻謁十三陵
馬蹄踏碎青青草入山綽楔五雲高白石玲瓏結構牢
輦路平平二三里宮牆一帶沒蓬蒿豐碑十丈洪熙建
歌功頌德辭多調背鐫

高宗御製詩煌煌天語宸章煥隆澤門前華表長翁仲

無言立道旁

石人十二文官左右各四人
武將左右各二人高丈餘

馬麟駝象獅

子吼

石獸二十四左右
各二立一臥

鬼斧神工雕琢良北行河流橫

去路斷橋似勸公無渡泉水澄清石粲然平岡夾道多

梨樹高坡直上規模尊下馬入自祿恩門九楹享殿皆
楠木不死英靈今尚存長陵自昔稱壽域墓門洞闕深
而黑磬欵一聲萬籟應樹濃界破斜陽色波羅葉密柏
子香昌化石碑紫玉光

土人稱
硃砂碑

聖諭諄諄禁樵採

皇恩厚德邁尋常陵外松陰日亭午敲火烹茶覓陵戶

每陵三戶戶耕
田三十五畝

三十九家耕墓田至今猶食朱明土左

有三陵

景陵德
陵永陵

右九陵殿宇高卑有廢興懷宗葬入田

妃壙遙隔峰巒不得登吁嗟乎歌傳兩地由讒謗奪門
尙自稱三讓忠肅墳塋在西湖廊王園寢無人訪滇南

蹤迹有無間天道茫茫稱好還
西山老佛墳何在魂魄猶應傍
蔣山

雨水載塗不能入德勝門繞道
由海甸石路入西直門口占自嘲

今年四度赴燕臺惹得神荼笑
口開席帽緇塵車馬敝亦從海
甸入京來

都門留贈賀杏槎刺史

崧齡

屢下陳蕃榻知交歲月增與杏槎訂交已十九年矣
弟兄眞骨肉父

子盡賓朋時稱兒館於君家賦筆都京貴書名

國史謄杏槎今年會關又挑取謄錄佳兒千里驥文郎霖官十二齡已讀諸經及爾雅

儀禮學作詩文
史論聰穎絕倫
夜讀伴青鐙

過琉璃河
卽拒馬河

秋熟豐年稼如雲
頌大田羊牛來夕矣
婦稚樂欣然
遠景綠千里
晚霞紅半天
琉璃河畔水亂泊
載煤船

涿州

石路橋亭似畫圖
月明如畫樹陰鋪
一灣涿水環孤塔
知是軒轅舊帝都

謁漢張桓侯廟

叢祠瞻拜漢桓侯
殿宇猶存古鐵矛
矛長今尺丈一尺
有奇重七十五斤

又有鐵鞭一
重三十五斤
叱咤風雲懾曹魏
奔馳歲月翼炎劉
姓名

死後傳千載義勇生來冠九州東望樓桑同梓里英雄
血食賽春秋

酈亭溝

山色蒼蒼樹色青客來何處訪酈亭河干多少循良吏
誰替桑欽註水經

田家

領略田家味新秋樂可尋倭瓜延砌角扁豆覆牆陰瘦
蝶藏花宿孤蟬抱葉吟金風猶未起涼信試清砧

晉祖遯故里

起舞聞雞非惡聲月明重過定興城馬蹄緩緩好歸去

恐著先鞭愧祖生

高碑店

大木連根拔嘉禾帶穗垂
昨宵風力猛前路客心危
泥淖車頻陷虺隤馬更遲
勞勞投旅店無暇覓高碑

中元夜枕上口占

漫把他鄉當故鄉
今宵風景倍淒涼
多情惟有天邊月
肯照離人到枕旁

小北河高漸離擊筑處

漸離擊筑憶當年
遺迹經過倍惘然
海內知音人有幾
悲歌慷慨問蒼天

北河楊椒山先生墓道

一疏傳千古，巍巍諫草亭。
忠魂埋地黑，浩氣亙天青。
肝膽能移俗，文章願乞靈。
鹿周明大節，桑梓沐餘馨。

固城燕昭王黃金臺故址

古迹迷茫自有真，燕昭王氣竟通神。
空中樓閣春無價，世外煙霞地不貧。
朽骨尚存千里馬，雄才誰遇九方歆。
何年重把高臺築，先用黃金鑄此人。

八月二十六日望河樓同人醺集卽席得五律

眺盡江湖海，年來已倦游。
扁舟下沽水，詞客聚河樓。
詩酒情猶壯，園林色不秋。
昨宵鴻雁至，天外一行留。

廿五日晚

自潞河
旋津

和東坡謫居三適詩次韻

旦起理髮

宵光銀海暝，休息清虛宮。
夢游入紫微，呼吸如喬松。
樽桑日出浴天雞，鳴遠風散髮繩牀。
臥未醒神先通攬衣，急盥手洗沐何怱怱。
子髮尙未禿，夢如千絲重。
班白伏櫪，驥塵颺分青鬃。
櫛齒雖云疏，爬搔指爪同。
垢淨新盥，簪窺鏡衰顏。
逢掀髯一長笑，不類髡鉗公。

午窗坐睡

宴坐宜參禪，合掌柳生肘。
盤膝僧入定，恍惚離九有。
斗

室靜焚香日影窺簾久閉目寂無聲通身是眼手未嘗
游醉鄉況味濃于酒飽饜青精飯能益延年壽我本待
臯人安適忘榮朽心旣無所思神亦無所受大夢遽然
覺肢體清無垢庭際轉松陰對此蒼髯叟

夜臥濯足

自吾來南海窮困披祗裯予不得行北顧忘癡憂神
傷涸轍鮒形類撮蚤鷓豈不欲遠舉只爲和詩留嚮晦
神形憊隔牖風蕭颼湯注老瓦盆兩足參差投灌沃四
支暢照影繫脫鞵插脚瘴煙間水色滄浪浮洗淨不跣
履微燠欣然瘳登牀覆大被伸縮如攷猴

柴門和廖牙峰明府

炳奎

柴門靜掩大河濱，入室風生滿座春。
陶令猶存三徑菊，龐眉如對六朝人。
銷磨宦海雄豪氣，倚置名山著作身。
儂亦江南倦游客，願攜詩酒結比鄰。

于靜涵自山右歸九月仍往太谷詩以贈之

廿載論交悵別離，故鄉萍聚促行期。
雲山迢遞同爲客，湖海飄零尙有詩。
白業已荒偏耐久，黃華雖好恨開遲。
明年走馬長安道，是我丁沽返櫂時。

十月初八日登舟誌感

又載琴書汗漫游，篷窗兀坐擁征裘。
漫天殘雪風斜捲。

夾岸空林水亂流。世事紛紜胡忍說。此心澹靜更何求。
前途去就皆無定。飄泊真如不繫舟。

武城遇雪

寒氣同雲布。歸帆溯水程。風聲吹亂雪。河勢抱孤城。枯
樹梅爭發。陰崖月又明。推篷看舟子。朗朗玉山行。

宿遷舟中

忽聞征雁悵離羣。靜對沙鷗狎水濱。殘日烘霞明舵尾。
疾風蹴浪打船唇。蕭蕭白髮常爲客。寂寂青山解笑人。
欲訪憤王尋故里。英雄到此盡沾巾。

抵揚州作

何必腰纏跨鶴游，被風吹送到揚州。
二分明月無人管，鐙火晶熒鬧酒樓。

東風彈指去來今，塵世何人識我心。
海內知音問誰是，一聲淒絕廣陵琴。

冬日瓜洲渡江抵金陵感懷三章倒疊李靜軒千
戎將赴徐州阜河詩元韻

又來瓜步候江潮，吳市聽吹一曲簫。
孤塔高撐殘照冷，亂鴉飛趁暮天遙。
五陵豪氣隨年減，百種牢愁仗酒消。
往日瑯琊親植柳，經春應發萬千條。

孝陵松柏起悲風，禾黍離離感故宮。
淮水竟無千尺綠，

古梅猶作六朝紅，過橋祠宇疑天上。
夾岸樓臺入鏡中，鐙火熒熒簾不捲。
幾人見慣舊司空。

畫眉學改近時妝，巧樣新翻每健忘。
橐筆總因雞口累，看花空逐馬蹄忙。
途窮易灑征夫淚，裘敝難爲季子裝。
長鬣飄蕭霜點鬢，那堪回首少年場。

得李靜軒書寫懷次滁陽醜唱詩元韻。

識得晴嶸氣如游，海外山訂交期白首對。
飲暈朱顏別後羈，思苦愁中旅夢閒。
蠻牋欣乍到，盥露讀回環。
恨余相見晚，契合兩情深。
經濟兼文武，詩書證古今。
才高虛遠志，客久動歸心。
吏隱多清福，隨君訪向禽。

家有歐蘇帖

余家舊藏醉翁亭豐樂亭石刻二巨册

碑亭揭最先書名傳

奕世祖德泐重泉

先大父省香公會宰全椒有同張竹軒吳山尊王鶴嶼再游滁州訪醉翁

亭詩宦蹟銷中歲

先大父卒于皖江年四十有四

交游感昔年滁陽追往

事長觸倍淒然

十上千時策浮雲蔽日幽賃春聊寄廡借箸暫持籌江
海扁舟泛關山匹馬游仰天呼壯士急景付東流

東王梧軒

自從未見已相知何況交深久別離白下重逢今雨好
朱顏猶似少年時一鏡花影搖書幌五夜霜痕染鬢絲
獨坐空齋誰共語雪窗呵凍寫新詩

喜晴效劍南體

鎮日濃陰喜快晴，觀書眼界十分明。
風吹窗罅疑蟲語，雪化檐牙作雨聲。
客久每增知己感，歲寒忽動故鄉情。
紙鷲飛起兒童樂，好放空巾鼓太平。

冬暮漫與戲做坡仙體

古柏經冬翠欲流，早梅紅過破牆頭。
堆庭殘雪白于麪，融逕新泥滑似油。
日出狺狺聞蜀犬，月明息息喘吳牛。
世情少見每多怪，笑拉禪僧上酒樓。

感懷再疊前韻

江海飄零感故知，家鄉骨肉悔輕離。
一身負累頻添債

滿腹牢騷不合時，慣倒樽罍浮綠螳。喜臨篆隸界烏絲，
春明十上天人策報。

國文章誤在詩

乙未丁未均以詩律不工被黜

書感三疊前韻

論交四海幾人知，夢裏相逢醒別離。教子每思生子日，
近得光胤兒京師。書鼎元胤兒天津書，復書諄訓憶鼎兩兒均。生于冬月也，得官卻似罷官時。十月廿八日，劄委署理房山教諭家，鑄成賈島千金中。爲余告，怔忡病不能赴任，繳劄。

骨繡作平原五色絲，獨對寒鐙饒樂趣。漢書讀後讀蘇詩。

除夜守歲四疊前韻

天公以外有誰知，除卻功名總不離。
十載他鄉過今夕，三更良友語多時。
謂梧軒關心漏盡留燈蕊，撲面風寒釀
雨絲。不覺流年暗中換，咸豐元日早題詩。

辛亥人日五疊前韻

每到新年憶舊知，池塘春夢草離離。
友朋促膝譚心處，兄弟聯牀聽雨時。
記室三間清似水，鄉愁百種亂如絲。
家書寫就剛人日，磨墨攤牋合詠詩。

感事六疊前韻

錢穀兵刑總不知，書生謀國太支離。
性無俗好惟師古，熱不因人恥入時。
叔世交游無季布，朝端傾軋有袁絲。

筵間歌伎何須禁寄語中丞莫詠詩

代題得時則駕圖

士有不得志燕臺凡馬空千金買駿骨伯樂何時逢省
識驪黃外披圖想像中先鞭須早著願盼有英雄

題徐聲仲采菊小照

傲骨峻嶒鬢有霜釀秋曾伴舊書堂自從寫入高人格
粉本長留晚節香

贈聲仲用丙午初秋如臯詩原韻

難得親朋聚他鄉勝在家文章傳故業

時刊尊人釀秋書屋文稿翰

墨老生涯對酒情猶壯揮毫字半斜留人春雨好別緒

幾番加

贈沈貢九

風吹舊雨到長干，賭酒評花興未闌。
江海遨遊勞碩畫，湖山管領藉閒官。
十年珥筆依薇省，五夜挑燈語藕盤。
別後相思千萬縷，一時濡墨吮毫端。

贈方小東茂才

朔

異地落岑合相逢，歲月忘驚花評六代風。
雨諧聯牀壯志低，回久浮名感慨長。
蕭齋尋舊伴，遺蹟憶南唐。

上元署爲

南唐宮闕故址
時同寓署中

領畧幽并氣，書生筆更遒。
論文追漢魏，挾策重王侯。
年

少偏求古春深已倦游滔滔大江水載月弄扁舟

皖上多名士翛然最不羣東陵曾主講薊鎮有參軍滅

字詞流豔

刊有采芻詞一卷

攤牋墨吐芬料應閨閣裏卜卦望

夫君

姓氏傳昭代西京溯太初羨君真曼倩我慕相如頗
得江山助同耽篆隸書訂交金石契努力愛居諸

上元署齋感懷

恨我功名廿載遲桃花潭水寄情思

謂汪良山侍講

論文翦燭

譚心處把酒揮毫放膽時俗吏祇知高爵貴盛名還共
古人期瑞菘聽事今非昔擁鼻重吟感舊詩

北風吹雨破窗寒，促膝狂歌斗室寬。
湖海賓朋聯袂至，漢唐著作踞牀觀。
問無奇字掀髯去，案有高文寓目難。
多少白門佳子弟，不持寸鐵上騷壇。

和汪梅邨孝廉

士鐸

見贈原韻

迢遞春明隔五雲，杏花時節記逢君。
青衫分袂風塵老，絳帳傳經講貫勤。
舊學切礪同述古，新交磊砢盡超羣。
近與懷甯方小東江都任芝田訂交又于容園座上得識壽湘帆庶常蔡子涵孫澄之茂才于今實事都求是，記室埋頭著說文。

梅莊詩鈔卷十六

男鼎元校字